



REPUBLIKA E SHQIPÉRISË  
KËSHILLI I MINISTRAVE

## PROJEKT VENDIM

Nr. \_\_\_\_\_, datë \_\_\_\_\_

PËR

### PËRBËRJEN, RREGULLAT MË TË HOLLËSISHME TË ORGANIZIMIT DHE FUNKSIONIMIT TË KËSHILLAVE VENDOR TË SIGURISË PUBLIKE DHE KËSHILLIT KOMBËTAR PËR SIGURINË NË KOMUNITET

Në mbështetje të nenit 100 të Kushtetutës dhe pikës 3, të nenit 12/1, të ligjit nr. 107/2016, “Për Prefektin e Qarkut”, i ndryshuar, me propozimin e Ministrit të Brendshëm, Këshilli i Ministrave

#### VENDOSI:

1. Përbërjen, rregullat më të hollësishme të organizimit dhe funksionimit të Këshillave Vendor të Sigurisë Publike (KVSP) dhe Këshillit Kombëtar për Sigurinë në Komunitet (KKSK).
2. KVSP-ja kryesohet nga Prefekti i Qarkut dhe përbëhet nga:
  - Kryetari i Bashkisë;
  - Drejtori i Drejtorisë Vendore të Policisë;
  - Shefi i Komisariatit të Policisë;
  - Drejtuesi i Policisë Bashkiak;
  - Drejtori i Drejtorisë Rajonale Arsimore;
  - Përgjegjësi i Sektorit të Emergjencave Civile në Prefekturë;
  - Drejtori ose shefi i sektorit të MZSH-së në bashki;
  - Drejtori i Drejtorisë Rajonale të Shërbimit Social Shtetëror;
  - Drejtori i Drejtorisë Rajonale të Shërbimit të Kujdesit Shëndetësor;

- Drejtori Rajonal i Institutit të Shëndetit Publik;
- Drejtori i Drejtorisë Rajonale të Mjedisit;
- Drejtori i Drejtorisë Rajonale të Autoritetit Kombëtar të Ushqimit;
- Drejtori i Agjencisë Rajonale të Pyjeve;
- Koordinatori vendor për referimin dhe menaxhimin e rasteve të dhunës në marrëdhëniet familjare;
- Përfaqësuesi i njësisë për mbrojtjen e fëmijëve;
- Kryeinspektori i Inspektoratit të Mbrotjes së Territorit (IMT);
- Përfaqësuesi i Agjencisë së Mbrotjes së Konsumatorit;
- Përfaqësuesi i Inspektoriatit Shtetëror të Mbikëqyrjes së Tregut;
- Përfaqësuesi i shoqatave të njësive të vetëqeverisjes vendore;
- Përfaqësuesi i shoqatave të mbrotjes së konsumatorëve;

3. Kryetari i KVSP-së, gëzon të drejtën të ftojë përfaqësues të:

- Gjykatës së Shkallës së Parë të Juridksionit të Përgjithshëm;
- Prokurorisë së Juridiksionit të Përgjithshëm;
- Partive politike me përfaqësim në Këshillin Bashkiak;
- Komuniteteve fetare;
- Organizatave joftimprurëse.

4. KVSP funksion si një organizëm koordinues, identifikues dhe konsultues mbi problematikat që lidhen me çështjet e rendit dhe sigurisë në komunitet.

5. Kryetari i KVSP-së, ushtron përgjegjësitë si më poshtë:

- a) Ndërrmerr të gjitha masat e nevojshme për të sigruar funksionimin efektiv dhe efikas të KVSP-së;
- b) Organizon mbledhjet e KVSP-së minimalisht 1 (një) herë në 3 muaj, ose sa herë vlerësohet e nevojshme nga anëtarët e tij;
- c) Evidenton përgjegjësitë institucionale për zbatimin e prioriteteve mbi çështjet e sigurisë;
- ç) Rekomandon te anëtarët e KVSP-së, të ndërmarrin veprime për çështjet e sigurisë publike;
- d) Miraton raportin mbi diskutimet, rezultatet, rekomandimet dhe vendimet pas çdo takimi të KVSP-së;

- dh) Paraqet dhe informon për takimin e radhës më të afërt, mbi vendimet apo rekomandimet e KVSP-së;
- e) Përfaqëson KVSP-në në marrdhëniet me të tretët, duke përfshirë dhe bashkëpunimet me organizmat ndërkomëtare;
- ë) Mbledh në takimet e KVSP-së anëtarët e ftuar.
- f) Informon pas çdo takimi, Këshillin Kombëtar të Sigurisë në Komunitet.

## 6. Këshilli Vendor i Sigurisë Publike, ushtron këto detyra dhe përgjegjësi:

- a) Angazhohet për parandalimin, minimizimin e rreziqeve dhe kërcënimeve në çështjet që cënojnë sigurinë në komunitet;
- b) Analizon dhe vlerëson situatën mbi çështjet e sigurisë në komunitet;
- c) Identifikon dhe evidenton problematikat lidhur me sigurinë në komunitet dhe i trajton ato në takimet e këshillit;
- ç) Referon për zgjidhje, problematikat e rasteve konkrete përmes kryetarit të KVSP-së tek autoritetet kompetente shtetërore, pjesëmarrëse ose jo në KVSP;
- d) Përcakton prioritetet në fushën e sigurisë në komunitet dhe i përfshin ato për t'i trajtuar në planin vjetor të punës, të miratuar në mbledhjen e parë të çdo viti dhe ua njofton ato institucioneve dhe strukturave përgjegjëse;
- dh) Analizon dhe merr në shqyrtim aspekte të caktuara të veprimtarisë së institucioneve me përgjegjësi në fushën e sigurisë publike në komunitet dhe i relaton ato tek drejtuesit e tyre;
- e) Shqyrton dhe miraton kërkesat mbi nevojën e financimit të projekteve apo aktiviteteve, të lidhura me sigurinë në komunitet dhe kërkon mundësi për financimin e tyre;
- ë) Analizon dhe shqyrton nivelin e kapaciteteve të strukturave të sigurisë vendore dhe sugjeron rritjen e tyre;
- f) Kontribuon dhe siguron pjesëmarrje në aktivitete ndërgjegjësuese për komunitetin, edhe përmes projekteve mbi çështjet e sigurisë në komunitet;
- g) Merr në shqyrtim përbashjen e objektivave dhe realizimin e masave të përfshira në planin vjetor të veprimit;
- gi) Përcakton përbërjen e sekretariatit teknik;

## 7. KKSK-ja funksionon si organ kolegjal, i cili kryesohet nga Zëvendësministri i Brendshëm dhe ka në përbërje përfaqësues në nivel Drejtor i Përgjithshëm të:

- a) Ministrisë së Brendshme;
- b) Ministrisë së Shëndetësisë dhe Mbrojtjes Sociale;
- c) Ministrisë së Arsimit dhe Sportit;
- ç) Ministrisë së Infrastrukturës dhe Energjisë;
- d) Ministrisë së Ekonomisë, Kulturës dhe Inovacionit;
- dh) Ministrisë së Bujqësisë dhe Zhvillimit Rural;
- e) Ministrisë së Financave;
- ë) Ministrisë së Turizmit dhe Mjedisit;
- f) Ministrisë së Mbrojtjes;
- g) Ministrisë së Drejtësisë;
- gj) Ministrisë së Shtetit për Pushtetin Vendor.

8. Kryetari i KKSK-së, gjëzon të drejtën të ftojë përfaqësues të:

- Prokurorisë së Përgjithshme;
- Komuniteteve fetare;
- Organizatave joftimprurëse.

9. Përgjegjësitë e kryetarit të KKSK-së, janë:

- a) Thërret dhe drejton mbledhjet e KKSK-së, si rregull 2 (dy) herë në vit;
- b) Miraton rendin e ditës dhe raportin përfundimtar të mbledhjeve;
- c) Cakton sekretariatin teknik të KKSK-së, drejtorinë që mbulon çështjet e rendit dhe sigurisë publike në Ministrinë e Brendshme;
- ç) Informon Ministrin e Brendshëm për veprimtarinë e KKSK-së;
- d) Prezanton raportin vjetor të KKSK-së pranë Ministrit të Brendshëm.

10. Detyrat dhe përgjegjësitë e KKSK-së, janë:

- a) Identifikon përmes raporteve të KVSP-ve, çështjet problematike të sigurisë në komunitet, me qëllim parandalimin dhe zgjidhjen e tyre pranë institucioneve përkatëse shtetërore qendrore;
- b) Relaton nëpërmjet raporteve dhe analizave tek Ministri i Brendshëm, nevojën për hartimin e politikave të caktuara në fushën e sigurisë publike;
- c) Orienton KVSP-në mbi aplikimin dhe përfshirjen e praktikave më të mira, në trajtimin e çështjeve të sigurisë në komunitet;

- ç) Rekomandon KVSP-së zbatimin në mënyrë të njëjtë të politikave kombëtare në fushën e sigurisë;
  - d) Garanton marrëdhënie bashkëpunimi të ndërsjelltë me KVSP-në;
11. Ngarkohen prefekti i qarkut, institucionet e përmendura në pikën 2 dhe pikën 7, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

**KRYEMINISTRI**

**Edi Rama**

**MINISTRI I BRENDSHËM**

**Taulant Balla**